

DILUCIDATIONIS
SELECTARUM
SACRÆ SCRIPTURÆ
QUÆSTIONUM
TOMUS SECUNDUS

AUCTORE
F. MARTINO WOUTERS

ORDINIS EREMITARUM S. P. AUGUSTINI
IN ALMA UNIV. LOVAN. SACRÆ THEOLOGIÆ LICENTIATO

EDITIO SECUNDA EMENDATISSIMA.



PATAVII, M. DCC. XCII.
EX TYPOGRAPHIA SEMINARII
APUD THOMAM BETTINELLE
SUPERIORUM PERMISSU.



D I L U C I D A T I O
 I N P R I O R A C A P I T A
 L I B R I P R I M I
 P A R A L I P O M E N O N .
 P R Æ F A T I O .

✱✱✱✱ Libri Paralipomenon (qui uno apud Hebræos volumine recensentur) non male hinc inde *libri dierum* appellantur, cum in iis præcipuæ contineantur historiae, quæ ab initio mundi usque ad captivitatem Babylonicam acciderunt. Paralipomenon tamen idem est, quod *liber reliquorum*, scilicet suppletivus: in his enim libris suppleta reperimus, quæ in prioribus libris historialibus (præcipue Regum) vel desunt, vel non satis aperte, & distincte scribuntur.

Porro utramque hunc librum Proto-Canonicum esse omnes admittunt Catholici. Utilitas ejus est, quod duplicem in aliis libris contentam tollat obscuritatem; quarum una proveniebat ex eo, quod positis alibi personarum nominibus, familia, tribus, vel habitationis locus omitterentur. Cum enim varii eodem fuerint nomine appellati, orta est non raro historiarum confusio, & quod a multo seniore gestum fuit, juniori attributum &c. Obscuritas vero hæc lib. 1. a cap. 1. usque ad nonum inclusive tollitur, ubi tribus omnes, loca habitationum, generationes, earumque per *David* usque ad captivitatem Babylonicam successores clarius describuntur. Altera obscuritas originem duxit ex eo, quod alibi vel suppressæ fuerint historiae, vel saltem truncatæ. Huic falceim admoveat exactior historiarum (præsertim tamen Regum Juda) enarratio, quæ a cap. 10. lib. 1. usque ad finem lib. 2. protenditur. Et ideo loquens de hoc libro S. Hieronymus in Prologo ad Paulinum ait: *Paralipomenon liber... tantus ac talis est, ut absque illo, si quis scientiam Scripturarum sibi voluerit arrogare, seipsum irrideat: per singula quippe nomina, juncturasque verborum & prætermissæ in Regum libris tanguntur historiae, & innumerabiles explicantur Evangelii quaestiones.*

Q U Æ S T I O
 P R Æ L I M I N A R I S .

QUIS SIT AUCTOR LIBRORUM PARALIPOMENON?

Respondeo: Librorum horum Auctorem nonnulli dicunt esse incertum: communiter tamen Interpretes tenent eum fuisse Esdræ, Scribam & Sacerdotem, qui post reditum ex captivitate Babylonica, ex particularibus Regum Juda Diariis, per Prophetas & Sacerdotes, Regibus cœvos, confici solitis, spiritu Dei actus singula compilavit.

Prob. Quia finis librorum Paralipomenon, & libri 1. Esdræ initium eisdem fere verbis contextuntur. Sic finitur lib. 2. Paralip. Anno autem primo Cyri Regis Persarum, ad explendum sermonem Domini, quem locutus fuerat per os Jeremiæ, suscitavit Dominus spiritum Cyri Regis Persarum: qui jussit prædicari in universo Regno suo, etiam per Scripturam, dicens: *Hæc dicit Cyrus Rex Persarum: Omnia regna terræ dedit mihi Dominus Deus cæli, & ipse præcepit mihi ut ædificarem ei domum in Jerusalem, quæ est in Judæa. Quis ex vobis est in omni populo*

ejus? Sit Dominus Deus suus cum eo, & ascendat.

Sic vero incipit lib. 1. Esdræ: *In anno primo Cyri Regis Persarum ut compleretur verbum Domini ex ore Jeremiæ, suscitavit Dominus spiritum Cyri Regis Persarum: & traduxit vocem in omni regno suo etiam per Scripturam dicens: Hæc dicit Cyrus Rex Persarum: Omnia regna terræ dedit mihi Dominus Deus cæli, & ipse præcepit mihi ut ædificarem ei domum in Jerusalem, quæ est in Judæa. Quis est in vobis de universo populo ejus? Sit Deus illius cum ipso. Ascendat in Jerusalem &c.*

Cum itaque in fine librorum Paralipomenon, & in initio lib. 1. Esdræ habeantur eadem, tam quoad verba, quam quoad sensum; hinc facis probabiliter, seu plausibiliter videtur erui, unum eundemque esse, qui libros Paralipomenon, & librum primum Esdræ scripsit: atqui certum est apud omnes, quod Esdras librum primum Esdræ